



Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

69. & 70. Paulus ad tertium cœlem rapitur.

urn:nbn:de:hbz:466:1-12221

Hæc, priùs immundas, signant animalia, gentes,
Purgatæ Triadis fonte, piamen habent.

(a) Hoc factum est ter, quia per quatuor partes orbis terrarum, mysterium S. Trinit. 12. Apostolis prædicandum erat. Beda. Et iterum: animalia illa, omnes gentes sunt, erroribus immunda, sed trinā submersione, id est, mysterio Trinitatis in baptismo mandata quo hominis imaginem referentes bestiarum & Serpentium sumpfere figuræ.

S Y M B O L U M 68.

S. Paulus ter virgis cæditur, semel lapidatur, ter ingeminat nomen Iesu dum moritur (ut quidam referunt).

Grando semel lapidum petijt te terquè flagella,
Quæ Monadi & Triadi grata fuisse putem.
Si te Romanum dixisses Paule politem,
Cædere te virgis aula nec ausa foret.
Nomine dum Triados tandem caput obijcis ensi,
Ter J e s u m moriens ingeminasse ferunt. (a)

(a) Ad hac in morte Pauli tres milites apparitores convertuntur puta Longinus, Accius, Megistus. Item caput Pauli refectum, tres quasi saltus in terrâ dedit, & quolibet saltu fontem elicuit. Unum laceti, alios alterius saporis. Unde hic locus celeberrimus Romæ trium fontium, peregrinorum concursu visitur, ut mili relatum est.

S Y M B O L U M 69.

S. Paulus ad tertium Cælum raptur, quod S. Aug. epist. 112. cap. 3. Tom. 2. cum Anselmo, D. Tho. 2. 2. q. 175. art. 5. intelligunt de loco Beatorum, ubi divinam essentiam vidisset ut putatur.

PAULE Dei fidos paulò rapis antè clientes,
Insontis populi qui popular or eras.
Ad ternum (Triadis forsan) raptaris olympum,
Aërium sup ra si dereumquè polum.

Ster-

Sterneris, erigeris, factus modò cæcus, in alto
Empyreoquè vides quanta stupenda polo?

Nota. Juxta Bern. tres cæli sunt tres Personæ S. Trinitatis. Item tres virtutes & dotes, quibus ad eas, & ad gratiæ, ac gloriæ culmen ascendimus, scilicet humilitas, charitas, & perfecta unio. Nam inquit, quos verbo & exemplo prius Filius humiliaverit, super quos deinde Spiritus S. charitatem effudit, hos tandem in gloriâ Pater recipit. &c. Et post pauca: putasne hos gradus Paulus non transierit qui ad tertium cælum raptus?

S Y M B. 70. de eodem.

Dignus ad alta rapi Divum subsellia Paulus,
Tergeminos scribit se penetrasse polos.
Quæ videt in primo, forsan, cæloquè secundo
Oblecent animum, non tamen illa beant.
Astronomi certent de pluribus ordine cælis,
Ardet inesse polo mens, ubi visa Trias.

S Y M B O L U M 71.

S. Paulus Ephesi loquebatur per tres menses. Act. 19.
TRes Ephesi menses turbas instando docebat,
Quas sacris, Triados nomine, tingat aquis.
Pars credit, durâ pars altera fronde resistit,
Pars sequitur Belial, pars sequiturquè Deum.
Quas reprobis, bone Pastor, oves divellis ab hœdis,
Spe, fide, amore auctas, ad meliora præis.

S Y M B O L U M 72.

Ter naufragium fecit. 2. Cor. 11
PAule ter, immensi post tot discrimina mundi
Jactatus, tumidis es propè sorptus aquis.

Jam.

-532-